

Covid-19 peqququtalugu meeqqat atuarfianni inaarutaasumik misilitsittarnernut taartitut angusat tunngavigalugit karakteriliisarneq pillugu Namminersorlutik Oqartussat nalunaarutaat

Nappaatit tunillaassortut akiorniarlugit iliuutsit pillugit Inatsisartut peqqussutaanni nr. 20, 12. november 2001-meersumi, allannguuteqartinneqartumi Inatsisartut inatsisaatigut nr. 1, ulloq 1. april 2020-meersumi § 22, imm. 2 naapertorlugu aalajangersarneqarpoq:

Atuuffissaa isiginiagassallu pingaarnert

§ 1. Nappaatit tunillaassortut akiorniarlugit iliuutsinik Inatsisartut peqqussutaat naapertorlugu innuttaasunut iliuusissanik aallartitsinerit kingunerisaannik meeqqat atuarfianni inaarutaasumik misilitsinnerit ingerlanneqassanngillat, tak. meeqqat atuarfianni inaarutaasumik naliliisarneq pillugu Namminersornerullutik Oqartussat nalunaarutaat, naapertorlugu ukiumi atuarfusumi 2019-2020-mi. Tamannali aalajangersimasunik qulequtsiilluni sammisaqarluni suliani atuutinngilaq.

Imm. 2. Meeqqat atuarfianni atuartut angajullit ukiumi atuarfusumi 2019-2020-mi naammassinerannut atatillugu angusat tunngavigalugit karakteriliisarneq inaarutaasumik nalilersuinermit atuartut misilitsissimanermut uppersaataannut imm. 1-mi inaarutaasunik misilitsinnernut taaneqartunut taarsiullugit nuunneqassapput.

Imm. 3. Angusat tunngavigalugit inaarutaasumik nalilersuinerit ukiumi atuarfusumi sapinngisamik kingusissuklut tunniunneqassapput.

§ 2. Ukiumi atuarfusumi 2019-2020-mi atuarsimanermi inaarutaasumik uppersaataat, Namminersornerullutik Oqartussat Meeqqat atuarfianni inaarutaasumik naliliineq pillugit nalunaarutaanni § 93 naapertorlugu, inaarutaasunik misilitsissimanermut karakterinik nalunaagaqarani suliarineqassaaq, taamaattoq tak. imm. 2.

Imm. 2. Imm. 1 apeqquataatinngit aalajangersimasunik qulequtsiilluni sulianut inaarutaasumik karakterit ukiumut atuarfusumut 2019-2020-mut tunniunneqassapput.

§ 3. Misilitsissimanermut protokolimi aamma inaarutaasumik misilitsissimanermut uppersaammai nalunaarneqassaaq meeqqat atuarfianni inaarutaasumik misilitsinneq ukiumi atuarfusumi 2019-2020-mi covid-19-ip kingunerisaanik ingerlanneqarsimanngitsaq.

Atortuulerfia

§ 4. Nalunaarut manna atortuulerpoq ullormi nalunaarutigineqarfusumi.

Namminersorlutik Oqartussat, ulloq 17. april 2020

Ane Lone Bagger

/

Karsten Peter Jensen

Namminersorlutik Oqartussat

Imaneq 4

3900 Nuuk

E-mail: nsninatsit@nanoq.gl

Linkit iluaqutaasussat

Kalaallit Nunaanni inatsisinut nalunaarutit

Namminersorlutik Oqartussat inatsisinut toqqorsiviat

Naalakkersuisut